

咽喉秘集

(八)

增廣
靈驗方新編

上海錦章圖書局
印行

R289.5

12-1

咽喉秘集序

十三科內喉齒有專科豈不目會嚴之闕為十一經綰數式飲式食或消或息所係綦重非寬牌大輒比然業擅專門治一症必斷斷責值投方寸七藥取刀貝至不貲病者雖噬膳嚼不能嚙於口瘡瘡呼暑不可須臾忍聞有能已之者大願免於患苦倒廩傾囷葉拱以進無毫毛顧藉心乃稍效之以見其功遼緩之以引其時必靳盈谿壑而後屬饜嗟啖養人之患以為利數此坐匠之心也躬竊憫之思有以激勵之顧無所得方有以張氏吳氏咽喉秘集本見示寫圖備症述原處方昭晰無疑雖使不習銜推者操藥以脩其效可跼足而待其便益有三焉資舟資車卒然遭疾檢書按症能辨其輕重危險不至適適規規驚懼憂疑便益一操不律書赫號呼童市之肆咄嗟立具無大藥苦乏之患便益二肘後之秘傳於副墨上池之水遍巧醫門系存剛亡之宜五臟六腑之滙誦習其書恒快其說千金之劍必不獨知并游之方無所市重便益三衷是三端亟授二氏以激厲夫享帚自珍者雖能諺有之肺腑而能語醫師色如土是書行世恐其業者以秘密藏中休糧方為張吳兩先生發其覆當有分衛無所之歎也

光緒癸未仲秋合肥張紹棠又堂甫書於醉秋檻

道光辛巳余自皖赴閩任微歸雉皋展視松楸時淮揚間痧疫流行猝不及治過吳門尤甚晤姑蘇諸名醫詢以治療之方據云痧症時有特未見如是之奇且驟者一患吐瀉即脈沉支冷眼弔足攣投溫散涼解均無效近張子壽田刊林藥樵痧症全書方藥詳備且有刮放諸法甚效亟索一卷于途中閱之信然予甚珍之壬午夏泉州郡亢旱痧疫復行延及省垣諸槐坡明府精歧黃術博痧症猝死之多云閱醫涼熱兼投十不一活豈斯症果不可救耶余出此書示之去旬日復來云刺藥並施所濟甚多是此書不為無功于世矣嘗考醫學原本內經東漢張仲景出著傷寒方論立三百九十七法一百一十三方以濟天下後世醫林尊為神聖嗣是以後諸名家著書言於十三科病症分門別類殆已備論無遺而瘟疫痧症則古無專書發明者鮮明李洞庭吳又可著瘟疫方論

國朝康熙初閩人林藥樵者痧症全書二君可謂補前人之未備而成一家言者也顧吳又可瘟疫論已遍行海內而林藥樵痧症全書傳者獨少故治痧症視瘟疫較難其覺較速且通來春夏之交多瘟疫夏秋之際痧症尤多按古方痧症醫法祇附見於絞腸痧乾霍亂吐瀉諸症門中至刮痧鍼刺諸法景岳全書雖亦言之然卷帙浩繁讀者忽而不講今閱林藥樵所著痧症全書其中經絡刮刺方藥宜忌一皆採集郡書惟痧症名目不見古書意作者自出心裁以新聞見而議論中肯治藥不偏將方改為八音分紀編成歌訣極其簡明洵醫津之寶筏不特操是業者當讀即鄉居行旅倉卒無醫得此全書按病求方不致茫無措手其所醫不尤博耶按景岳全書所載刮痧鍼刺諸法此書未詳茲附刊于後以備取法時

道光二年歲次壬午仲夏中浣福建督糧道分巡福州福甯兼管水利事務加三級如皋渭泉氏吳麓識

嘉慶庚辰秋人多吐瀉之疾次年辛巳其病更劇不移時而殞者比比皆是此症始自廣東今歲福建臺灣患
者尤甚或云自船趕風來此言未盡無稽病起卒暴多致大橫拯救無方殊堪憐憫適沈君月枝自通州攜來
痧症全書三卷係閩中林君藥樵氏所著內載青筋白虎霍亂等名皆以痧治先用針刺泄壅閉之邪然後另
施湯藥因思今之時行吐瀉頃刻之間轉筋脈伏醫藥所不及救急之法莫速於針刺且景岳全書霍亂門中
載有此法如法試之屢獲奇效因屬張子壽田重校付梓並補繪應刺經穴之圖俾倉猝之間便於按經鍼刺
以廣其傳想仁人君子有同心也是為序

道光元年七月望日分巡常鎮通海等處地方兵備道兼管河務加三級仁圖宋如林識

按趕竹角切音琤風名吳中梅雨既過清風彌旬謂之船趕風蘇軾有船趕風詩

總論

十六絕形

吳氏咽喉廿四大症歌訣

今存廿二症

喉症分經

脉式

咽喉治法要論

針穴

四絕症

喉痺

喉閉

纏喉風

噎喉風

啞喉風

弄舌喉風

爛喉風

單乳蛾

雙乳蛾

喉癰

牙疔

牙宣

木舌

重舌

重睛

走馬牙疳

痧痘口疳

螞蝗疔

連珠風

陰虛喉風

楊梅喉癰

咬牙風

張氏七十二症治圖說

咽喉門十一症

簾珠喉

噎食啞喉

內外腫喉

風熱喉

紫色虛喉

喉痺

喉疳

飛揚喉

虛啞喉

聲啞喉

爛痧喉

乳蛾門七症

單乳蛾

爛乳蛾

風寒蛾

雙蛾蛾

石蛾

伏寒喉蛾

白色乳蛾

喉痺門七症

寒伏喉痺

爛喉痺

白色啞痺

走馬喉痺

單喉痺

淡紅喉痺

雙喉痺

咽喉秘集上

總論

夫左為咽屬胃右為喉屬肺乃一身首節之關呼吸出入之門內經云一陰一陽結而為瘕一陰者手少陰君火心之脈氣也一陽者手少陽相火三焦之脈氣也二脈共絡於喉氣熱則內結結甚則腫脹甚則氣痺痺者不仁之謂此喉痺之所由名而乳蛾喉閉纏喉等症皆痺類也蓋三有風寒火濕毒虛之別或風火相搏或寒暑相聚其症變幻不一如漫腫而多痰風與濕也淡白而牙緊風寒也紫色不腫而爛者風伏寒也紅腫而脈浮者風火也脈沉實爛而不腫者毒也脈細數而浮者虛火也脈細而緩者虛寒也六者之象可類推也大凡初起之症診右寸洪緊肺風也兩關浮數胃火肝風也左寸浮洪心火也右寸沉遲肺伏寒也右寸沉數肺伏熱也右尺洪大三焦火旺也左尺浮洪而有力腎虛火炎也六脈大畧論治俱可用六味湯加減症若凶險脈宜細診再察形窮源對症用藥自然可愈經云神聖功巧不過望聞問切細心推詳庶無差悞耳

張氏

喉症分經

喉有二孔左為咽屬胃納食之關右為喉屬肺納氣之關口內上脛屬胃陰下脛屬脾陽舌之中屬心四圍屬脾舌根亦屬心小舌又名蒂下屬胃喉之左右舌根屬肝外兩耳垂下亦屬肝牙根上屬胃下屬脾舌胎白主寒黃主熱焦熱甚黑熱極又舌胎不單論色但有津者非真熱不可概投涼藥宜引火歸原大紅舌邊乃脾火可用清涼之劑喉癰地位屬肝再進內寸許或爛或腫俱屬脾胃火毒之症結毒亦有之但結毒者兩關脈必沉兩關脈浮非結毒也此分經大畧再攷圖形便悉

張氏

咽喉治法要論

醫者當審其病由參之時令必須大湧其痰去痰之法先備溫水使病人漱口如點刺或吹

藥令其垂頭流去痰涎俟痰涎少止仍以溫水頻頻漱之

如虛弱人及病勢重者須要着人扶好或用銀

針刺其患處風熱則散之甚者下之陰寒者溫之若初起驟用寒涼之藥則上熱未除中寒復生其毒乘虛

而入即喘不休死不救矣大抵風熱症十之七火症十之三寒症十無一二也病昏沉痰多氣急飲食不

進發熱不退牙關緊閉脈息微弱者症必重人事不醒痰氣上攻聲如雷噎食眼張天柱倒陷面黑身焦

鼻如煙煤張煽不定目睛突出汗發如雨咽喉乾痛聲啞無痰手足麻至膝蓋發喘及呃脈息如絲乃死症

也。臨症用藥生死反掌。醫者不可懷希冀之心。故意延挨。病者不可起懈怠之念。以致決裂。古云走馬看咽喉。不待少頃者。即此謂也。遇症用藥後。痰少腫退。即愈。如已潰。用藥後。越兩日即可進飲食者。三日後無不收功。喉癰用藥後。患處要變紅色。知痛癢。有津液潤澤者。可治。用刀針須向自己勾來。不可向病人口內剔去。咽喉忌下刀之地。有四處。龍化。啞門穴。喉關兩均上。舌下筋。若用刀。其刀頭上須蘸已藥。或亥申藥。庶不作痛。臨症先診其脈象輕重。後看其患處深淺。若脈絕。脈怪。脈死。則毋須用藥矣。因毒已入腹。非藥力所能挽回也。纏喉風及陰虛喉癰二症。最險而難治。至危而不易識。纏喉風。內外無形。其患在關內上面。有紅絲。如未入心。尚可用藥。已入心。則不治。凡遇此症。宜早治。在一日半日之內。可保無虞。陰虛喉癰。如勞蝦皮形。有青白點子。高低大小。狀如暑天瘡子。其症雖危。延日最久。或一年半載而死。或一月半月而死。如起病數日之前。治之。十症可得九愈。看喉腫處。其色變紅者。即成膿之候。可不刺而自潰也。喉症用糯米泔水。或甘桔湯。或薄荷湯。俱要溫和為主。山查焙燥磨細末。煎藥內可加一撮。乃消腫去毒。治咽喉之要藥也。以上十四條

四絕症 走馬喉風 鎖喉風 走馬牙疳 纏喉風 此皆凶險之症。若不吐不瀉。針之無血。藥不能入。皆為不治。慎之慎之。

十六絕形 舌捲囊縮

角弓反張

油汗如珠

十指無血

喉啞噎食

喉乾無痰

吐血喉癰

六脈沉細

聲如鋸拽

大睞不通

鼻煽唇青

天柱倒塌

脈細身涼

兩目直視

壅痰氣塞

喉菌不治

左手脈式

心脈悠揚緩散

寸 心色絡
小腸

肝脈沉而弦長

關 肝
膽

腎脈虛細而宜大

尺 腎
膀胱

凡診脈一呼一吸四五至者平和脈也三至為遲六至為數病脈也

右手脈式

命門脈緩而悠揚

尺 命門
三焦

脾脈緩而散大

關 脾
胃

肺脈浮濇而短

寸 肺
大腸

脈遲則寒脈數則熱細緩則虛寒細數則虛熱六脈一理

針穴 凡六穴應病行針

頭面 頰車穴 在耳垂下八分 足陽明胃經

右手 中沖穴 在中指內甲角 手厥陰心包絡經

左手 商陽穴 在食指內甲角 手陽明大腸經

少商穴 在大指內甲角 手太陰肺經

少沖穴 在小指內甲角 手太陽小腸經

關沖穴 在無名指內甲角 手少陽三焦經

吳氏咽喉二十四大症歌訣 今存廿二症

喉痺 鬱火攻兮喉痺成。或生左右小棋形。鮮紅酒毒光如鏡。腫在喉間風熱勝。其症形小而圓。初起或消。或刺皆可。如其色紫紅平塌。光如鏡者。不可刺。宜內消。因其毒發於本源故也。

喉閉 積熱風痰。喉欲閉。因生血泡。在喉間。忽然壅塞。櫻桃似點。刺流涎。病即安。其症宜發表清熱。先用針。

點後吹子丑二藥

纏喉風 惡寒惡痛。名陰毒。內外無形。氣短促。胸前紅腫。足多寒。若見紅絲針貴刺。藥宜發表。吹藥先用已。

藥如見紅絲即刺斷。再用子藥

噎喉風 此症謂之飛絲。毒口中發泡。丑藥覆燥。極點痰熱在心。忽然噎食。終非福。用針挑破血泡。後上丑。

藥兼吹子藥。前藥宜清熱祛痰。

啞喉風 啞瘡喉症。犯咽。喎口不言。兮牙關塞。面紫唇青。冷涕流。風疎痰降。即無厄。其症牙關緊閉。先用已。

藥。後用申藥。前後抹之。風痰去淨。為度。煎藥先發表。後清熱。

弄舌喉風 體發熱。兮口內腫。舌出頻。將兩手弄。筆針患處去痰涎。解毒疎風清熱。壅。用三稜針刺破。少商。

穴。先用已藥。後用子藥。

爛喉風 爛喉風症。頻頻熱唇。若塗硃口內裂。看其患處淺和深。藥宜子丑兼調攝。子丑二藥和勻上之。再。

用已藥。收功煎藥宜清涼。

單乳蛾 喉內腫如桃李形。或左或右。單蛾名。此症早治可速退。消痰散毒自然平。此症不論已成未成。皆。

可刺。其形大而長。初用已藥。後用子丑二藥。收功煎藥先發表。後清熱。

喉癰 七情鬱結。病成癰。六日之內可刺。膿不治。須防成冷瘻。已申藥。到定收功。其患在喉嚨。化合後之正。

中。到四五日可刺。早刺防復腫。未刺前及未潰前。吹藥先用已字。後用申字。清後用子丑二藥。煎藥先發表。

後清熱。

牙疔 太陰脾土足陽明。二火交攻。疔即成。患在牙齦如豆大。排針點破。即安。先用申藥。後用子藥。

牙宣 此症起時因胃熱壅而宣露常流血藥吹酉末即能除清胃煎來功奏捷 先用子藥後用酉藥末藥
二種止血煎藥宜清胃火

木舌 舌病心經受風熱忽然腫破口難說看時左右其宜針藥用梔連火氣滅 吹申藥看紫色處用小刀
點之出血後吹子藥

重舌 連花之症看如何三舌攢在舌底疔成藥頻搭宜更點清心瀉火莫蹉跎 用申藥吹之不退再用戌
藥上三症用清熱煎藥解毒

重脰 體雖不熱獨心勞舌上生來似小桃藥用黃連解毒飲吹宜冰片不須刀 用子藥吹之

走馬牙疳 小兒疳症屬於脾黑腐沿開臭不宜子且合參兼卯藥穿腮落齒總難醫 先用米泔水洗淨或
溫水亦可藥用子丑和勻敷上如不應乃險症也煎藥用解毒

痧痘口疳 痘餘痧後口生疳爛在牙齦痘毒傳若是見痧生滿口須從心胃二經參 吹子丑卯藥煎藥宜
瀉心胃二火

雙乳蛾 雙蛾兩兩生喉間關上輕分關下難氣吹好似紅李子輕消重刺去風痰 形與雙單蛾同刺不同
已成未成先吹已藥不退再點子藥煎藥先發表後清熱

螞蝗疔 疔而微白螞蝗疔脰上生來韭菜形內不腫分發寒熱速宜針刺自然平 用申藥點去惡血後上
子藥煎藥有表發表無表解毒瀉火

連珠風 兩均深處患連珠初起沿開白色餘日久漸成八九點藥和子丑病皆除 和勻子丑已藥吹之兼
上寅藥煎藥宜清熱解毒

陰虛喉風 癰症原來因損肺斑生苔癰若蝦皮時時發熱頻頻救面赤聲嘶病可慮 其症虛弱不宜發表
須用滋補兼解毒上半月痛甚者乃氣虛下半月痛甚者乃血虛吹卯藥並上丑酉二藥如日久不減者不治


楊梅喉癰 楊梅結毒癰由生片白喉中穢氣聞白色變黃纔可治酉隨子丑共追尋 和勻子丑二藥吹入
後用酉藥收功煎藥宜解毒

咬牙風 咬牙卽是鎖喉風毒在牙齦胃火攻不治恐成牙漏症開關辰藥子收功 先用辰藥擦牙齦縫中如瘡不退再用子藥煎宜清熱解毒

張氏咽喉七十二症治圖說

咽喉門一凡十一症


簾珠風



簾珠喉滿喉如白網細狀兩邊微腫根有白點帶紅色小舌紅腫嚥水大痛此症因鬱積熱毒而發其脈兩寸浮洪兩尺亦數大而洪此上盛下虛之症也宜清熱用六味湯加鹽炒黃柏二錢酒炒黃芩二錢鹽炒知母二錢熟石膏五錢山豆根二錢鹽炒元參二錢山梔一錢木通一錢生地二錢服一劑來日再服連翹三錢紫花地丁三錢熟地二錢丹皮二錢草河車二錢川連一錢金汁一盅或煎柏枝汁一鍾沖服乃妙外吹藥六七日可愈


咽喉門二

倉食啞喉




倉食咽喉此症因伏邪在肺聲啞倉食六脈遲細甚屬陰症余曾治一人年二十患此三年飲食少進病在將危余診視再三病雖久脈尚有力有根或可治用六味湯加麻黃三錢桂枝一錢蘇葉三錢木通一錢細辛二錢白芷一錢訶子二錢皂核三錢姜炒半夏二錢連服五六日病雖退而聲啞未除換加桔梗一兩訶子七錢甘草七錢薄荷一錢以上俱重使炒麻黃一錢煎數沸噙嗽徐徐嚥下服十劑乃愈後服補藥健脾

喉腫外內




內外腫喉此症生於喉關之下陰陽相結內外皆腫或有爛斑火鬱之症用六味湯加炒黃芩三錢熟軍五錢海浮石二錢外吹藥來日換加丹皮半錢生地二錢酒炒黃芩二錢生石膏三錢炒山梔一錢木通一錢即針少商商陽兩手四穴如背寒加羌活胃泛加葛根柏枝汁亦可救之

喉熱風




風熱喉此症感風熱而起滿喉發細紅點根帶淡白舌下兩邊三四塊六脈洪緊用六味湯加鹽炒元參二錢酒炒黃芩三錢山梔一錢花粉一錢一服可愈外用吹藥兼服八仙散

喉虛色紫




紫色虛喉喉間紫紅久之變爛如生漆色固初起早服寒涼之藥故也此症肺胃伏寒平而不腫飲食難進吐出乃腐內者宜急治之如誤認為火熱之症反以三黃犀角羚羊角等藥則吃成死症矣余見此等紫色之症不論名色喉間絕無影形滿喉皆紫脈緩身涼者用六味湯加細辛五分葛根一錢蘇葉一錢白芷川芎麻黃各一錢服後紫變為紅換加鹽炒元參二錢酒炒黃芩二錢花粉二錢即愈

癰 喉



喉門七

疳 喉



咽喉門八

飛揚喉




喉癰此症因腎虛火旺發癰於喉不腫而微紅上有斑點青白不一如芥子大或針孔菜豆大每點生芒刺入水大痛啞間聲啞咳嗽無痰六脈細數者用知柏地黃湯兼四物湯加麥冬炒元參鹽炒黃子枸杞人參洋參二參俱鹽用入凡藥亦可首烏阿膠錢二十服後用附桂八味丸加女貞枸杞二參妙鹽湯下每服四錢如前知柏地黃湯四物湯服後不應再加附桂每服錢三冷服此引火歸原之法也如六脈洪數恐難脫體外兼用吹藥治之

喉疳此症腎虛火旺沸騰上部而發喉間上腭有青白紅點平坦無刺故名喉疳聲不啞不咳嗽兩尺脈虛者是也先用六味湯去荊防參三味加鹽炒元參一錢酒炒黃芩二錢丹皮二錢生地二錢鹽炒山梔一錢鹽炒水拌再炒女貞錢半鹽炒知母錢半男加龜板五錢女加龜甲五錢服五劑或十劑如不愈再加附桂各三另煎入藥冷服愈後或附桂八味丸加元參知母女貞枸杞各藥俱服一料可愈外用吹藥

飛揚喉此症風熱上壅上腭紅腫氣不能通喉物不下從小舌中飛揚滿口此係凶惡之症急針患處出血泄氣吹藥內服六味湯加連翹葛根黃柏山梔木通各一錢生石膏四錢一二服可愈

咽喉門九


喉啞虛



虛啞喉間不腫兩邊
關內少有紅點聲啞不
明牙關不開此症乃內
外風火因喜食酸滯之
物肺氣不清故也用六
味湯加細辛三錢蘇葉
二錢服一劑聲音不啞
換加丹皮生地各二錢
水炒山梔木通花粉各
錢二服愈矣

咽喉門十


喉啞聲



聲啞喉此症寒伏肺膈不腫
不紅又無爛點惟覺乾痛難
於飲食用六味湯加蘇葉麻
黃各一細辛五分二服後麻
黃蘇葉各減半再二日換加
花粉黃芩羌活姜炒半夏各
錢皂核粒二十訶子二錢桔梗
五錢甘草五錢上三味
服乃愈初起不可用涼藥此
症非三四月不能求痊


咽喉門十一

喉沙爛




爛沙喉此症發於傷寒之後表邪未盡生喉關內腫爛右關脈急
肺脾之症可知用六味湯半服加酒炒黃芩一錢花粉一錢鹽炒
元參二錢葛根一錢生石膏半錢淡竹葉二錢草河車二錢連服
四劑如爛斑不退加生大黃三錢津化八仙散玉樞丹每服五分
三服可收功

雙乳蛾



雙乳蛾此症感冒肺二經而發生於關口上部兩邊如櫻桃大肺胃之症也身發寒熱六脈弦數先針少商商陽兩手四穴或挑破患處出血亦妙先用六味湯加陳皮海浮石蘇葉羌活各錢兩服可愈如腫不退六脈有力加大黃三錢


單乳蛾



單乳蛾此症生於雙蛾地部之旁或左或右六脈浮數因傷寒邪未散盡身熱惡心恐見痧症用六味湯加葛根二錢蘇葉一錢羌活二錢鮮芫荽五錢無鮮者用子三錢一服退半來日再加黃芩酒炒一錢花粉二錢山梔赤芍木通一錢即愈

乳蛾門三


爛乳蛾



爛乳蛾此症因肺胃鬱熱紅腫爛斑大痛難食六脈弦緊宜急針少商商陽兩手四穴用六味湯加葛根二錢蘇葉鹽炒元參各錢一炒黃芩二錢沖栢枝汁一杯漱喉間徐徐嚥下再用八仙散一服津化下來日去蘇葛二味加山梔木通生地丹皮浮石花粉各錢二脈大有力加生大黃三錢脈虛用八仙散同栢枝汁照前吃法三四日可愈如聲啞背寒六味湯加葛根二錢蘇葉一錢羌活一錢細辛三分治之

乳蛾門四


風寒蛾



風寒蛾此症因風寒而起腫大如李頭不能下視氣塞不通寸關脈浮緊肺胃之症也即針少商商陽少冲兩手六穴用六味湯加蘇葉三錢羌活一錢一服可愈若早用涼藥則不能退矣

乳蛾門六


石蛾



石蛾此症因胎生本原不足所致生於乳蛾地位少進半寸初生不可用涼藥不可動針刀此乃肝火老痰結成惡血又過辛苦即發用六味湯加貝母錢生地錢二牛蒡錢麥冬錢一木通錢服四五劑如不退去六味用生地半錢丹皮錢象貝母錢甘草牛蒡各一桔梗分麥冬錢一木通分薄荷錢二燈心分服以愈為度外吹退腫藥

乳蛾門五


白色乳蛾



白色乳蛾腫塞滿口身發寒熱六脈浮弦因肺受風寒之症也六味湯加蘇葉二錢細辛三分羌活二錢一服可愈


乳蛾門七

伏寒喉蛾



伏寒乳蛾凡伏寒之症其色紫治法同紫色喉癰門如孕婦喉癰慮服藥有碍將藥煎濃漱喉吐去亦可愈


爛喉痺



爛喉痺此症因肝胃熱毒外感時邪而發形如花瓣爛腫白斑
痛叫不食目睛上泛六脈洪大速針少商商陽關沖少冲兩手
八穴有血生無血死用六味湯加生大黃一錢鹽炒黃芩二錢
加酒少許元參二錢鹽炒生地二錢丹皮二錢海浮石二錢山
梔一錢木通一錢兩服後去大黃用六味湯再加生石膏三錢
訶子錢半整杏仁相枝汁製二錢四服可愈并服八仙散二
錢津化下此症若脈細身涼不治

喉痺門二


白喉痺



白色喉痺此症因肺胃受
寒脈遲身熱用六味湯加
細辛三分羌活二錢蘇葉
陳皮各一錢二服可愈若
變紅色乾痛去前四味換
加山梔木通酒炒黃芩生
地黃柏各一錢痰多加海
浮石半夏花粉各一錢

喉痺門三

寒伏喉痺



寒伏喉痺此症肺經脈緩寒重
色紫亦不大腫若誤服涼劑久
之必爛凡遇紫色者不可作火
治用六味湯加細辛五分麻黃
桂枝蘇葉瓜蒌訶子牛蒡各一
錢甚者吐出紫血塊治法亦同未
爛者加蘇葉二錢細辛五分紫
胡海浮石各一錢腫與不腫同治